

CONSPECTUS.
CRITICARUM
OBSERVATIONUM.

*Buyer's H
K*

2 U T O 3 4 2

M U L

M U L

2 U T O 3 4 2



M U L

M U L

M U L

1103. c. 14.
c6.
CONSPECTUS
CRITICARUM
OBSERVATIONUM

IN SCRIPTORES GRÆCOS ET LATINOS,
AC LOCOS

ANTIQUÆ ERUDITIONIS
autore Burgess
EDENDARUM

UNA CUM ENARRATIONIBUS COL-
LATIONIBUSQUE VETERUM CODI-
CUM MSSORUM, ET SYLLOGE

ANECDOTORUM GRÆCORUM.

I. **O**bservationes Criticæ & Anecdota
Græca edentur certis temporibus per fasciculos
Particulis distinctos. Singulis Particulis suis
ordo paginarum constabit, ut diversæ operis
partes demum pro suo genere compingi possint.

II. Uniuscujusque fasciculi Particulæ distinguuntur pro sua materia, & diversis Criticæ generibus. Tria autem genera statuo. Nam rem aliquam exponentes, vel quæ sive qualis sit narra-
mus, vel unde sit exquirimus. Eam igitur Criticæ partem, qua narratur quæ aut qualis sit res, *Narrativam* dico; eam vero, qua rerum causæ exquiruntur, *Philosophicam*. Verum ex priore ratione profectum est tertium Criticæ genus. Etenim cum rei qualitates expendantur & explicentur, virtutes ejus & vitia discernuntur, sed non continuo nec eadem opera. Quippe aliud est ingenii, aliud judicii munus. Et de iis profecto, qui aptissimum habuerint sensum ad dicendi virtutes percipiendas; quin qui eas optime perceperint, & felicissime explicuerint, reperti sunt multi, (verbis honos) qui tum minus sagaces essent ad odoranda sermonis vitia, tum ad tollenda ea & emendanda parum compositi viderentur. Quamobrem hæc ratio *emendandi*, etsi revera pars Criticæ Narrativæ sit, suum tamen sibi locum vindicavit

& nomen Atque hæc satis ad consilium meum declarandum, & pro Conspectus brevitate. Particula igitur prima tractabuntur

1. Loci Criticæ Narrativæ: ubi rerum verborumque difficultates & proprietates exponantur, digerantur, illustrentur. Secunda

2. Loci Criticæ Emendatricis: ubi vitia quæ quo quo modo veterum auctorum scriptis irrepserint, notentur & tollantur. Tertia

3. Loci Criticæ Philosophicæ: ubi inquiretur in causas disciplinarum, artium, linguarum, & in rationes rerum, quæ iis continentur; qui loci, satis alte repetiti, omnes ad mentis humanæ *Σεμειων* referuntur. Quarta tradentur

4. Criticæ Miscellaneæ disputationes: ubi tractationis ratio nulli trium generum uni, sed magis omnibus conveniat. Hæc Particula etiam Dissertationes complectetur & narrativæ criticæ, & emendatricis, & philosophicæ.

5. Enarrationes Collationesque veterum Codicum MSSorum, Indicesque reliquiarum virorum eruditorum.

6. Anecdota Græca; Philologica.

7. Anecdota Græca ; Poëtica , Historica ,
Chronologica , &c.
8. ——— Philosophica,
9. ——— Sacra.

III. Ad manum sunt, quæ sequuntur;

1. *α.* Disputatio de iis, quæ Josephus super
Herodis Templo Hierosolym. scripsit.
β. De quibusdam locis Aristotelis libri de
Poëtica.

2. *α.* Tunstalli Emendationes in Longinum.

β. Wardii Emendationes in Hermogenis
Progymnasmata,

3. Reinholdii Emendationes in Platonis
apologiam.

4. P. Vulcanii Emendationes & notata
ad Demetrium Phalereum.

5. Conjecturæ in Æschylum, Sophoclem,
Euripidem.

6. ——— In Aristotelis libros de Poë-
tica & Rhetorica.

7. ——— In Demetrium Phalereum.

8. ——— In Græca novi Testamenti.

3. α. Disputatio de causis incrementisque linguæ Græcæ.

β. De Tookii inventis, quæ dicuntur, in Etymologia, & *Στοιχία* linguarum.

γ. De ratione Aristotelis libri de Poëtica]

4. α. Litteræ Bentleii, Bernardi, aliorumque ex MSS. Bodl.

β. Uptoni Observationes in Xenophontis Memorabilia.

γ. Sanctamandi Observationes in Xenophontis *Αναξαρ.*

δ. Excerpta ex Sanctamandianis in diversos scriptores Græcos & Latinos.

ε. Observationes de quibusdam locis Sophoclis, Euripidis, & Horatii Epistolæ ad Pisones.

5. α. Variæ Lectiones Æschyli, e Cod. Med.

β. ——— Aristotelis lib. de Rhetorica e libris Bernardi.

γ. ——— Theophrasti Charac. e MSo vetusto, rarioribus edd., & e Stobæo

excerptæ a M. Mair-
tario.

4. Enarratio Florilegii Græci inediti Ba-
rocciani.

5. Variæ Lectiones & Supplementa Try-
phonis Περὶ Περσῶν, e Codd. Baroc.
& Harl.

6. Variæ lectiones [Aristotelis libri de
Poetica, Cod. Reg.
Par.]

7. ———— Dionysii Hal. de Thu-
cydide & Demosthe-
ne, Cod. Reg. Par.

8. ———— Quorundam Josephi
loc. Cod. Reg. Par.

9. Heraclidis Pontici, Cod. Nov. Coll.

10. Epicteti, Cod. Nov. Coll.

11. Nōvi Testi Gr. Cod. C. C. C.

12. Aristotelis *Ἀναλυτικῶν* L. I. Cod. C. C. C.

13. Var. Lat. & Supplementa Quinti Cur-
tii, Cod. C. C. C.

14. Hermogenis Progymnasmata.

- β. Libellus de Metris Harleianus.
- γ. Excerpta ex Herodiano, Cod. Baroc.
- δ. Philemonis Lexici Technologici magna pars.
- 7. α. Joannis Tzetis *Περὶ Διαφορῶν Ποιητῶν*, ejusdemque Epistola Epiphanio.
- β. Philæ *εἰς γράμμην φιλοπορον.*
- γ. Imperatorum Constantinopolitan. Synopsis Chronologica Cod. Baroc. ex apogr. Th. Hearne.
- 8. α. Sententiæ Philosophorum.
- β. Prolegomena in Platonis Philosophiam.
- γ. Damascii *Περὶ ἀρχῶν* magna pars.
- 9. Opuscula excerpta e Collectaneis Langbæanii Bodl.

IV. Instituti, quod sic paucis adumbrare volui, caput esse lector facile intelliget, Græcarum litterarum fines propagare, sive edendo aliquas de reliquiis Græcorum veterum scriptorum, quæ adhuc sunt ineditæ, sive indicando ubi monumenta aliqua veteris Græciæ inedita lateant, & quam plenissime fieri possit enarran-

do. Neque autem nimiae aut vanae curiositatis esse putet quisquam, sic agitare & excutere tinearum latebras. Quod enim Cajus Plinius Secundus, auctore Cæcilio suo, dicere solebat, Nullum esse librum tam malum, ut non aliqua parte prodesset, id vero, licet vel in illo tempore praeclare dictum sit, credo, hac in strage antiquarum litterarum multo rectius & probabilius dici videbitur. Omne autem hoc consilium Græcas litteras augendi, cum non dubitare possim, quin viri docti & Eruditionis veteris amantes benevole excepturi sint, rogo eos, adjuvent quoque & ei favent. Jam hujus operis, singulis fasciculis, quatuor posteriores particulas explebunt Anecdota Græca. Reliquæ vero particulae comparatae erunt ad illustranda veterum scripta, quæ edita sunt, vel edendo Varias Lectiones Codicum MSSorum non antea collatorum, vel novas observationes in veteres scriptores Græcos & Latinos, ac locos antiquæ eruditionis. Quin etiam istæ particulae ad expromenda angustiora scripta maxime opportuna erunt, quæ sive postuma, sive viventium, sæpenu-

me-

mero accidit ut interciderent, propterea quod breviora essent, quam ut per se ederentur. Aliam vero commoditatem, nec minimam, continebit hoc institutum & similia, in ea re, quod novæ Collationes veterum codicum, Conjecturæ, & Observationes in veteres scriptores, sic editæ sæpe facient, ut novis editionibus magno volumine & pretio facilius carere possimus.

V. Consilium vero hoc & institutum adjuvare poterunt viri docti, qui velint vel suas ipsorum observationes mecum communicare; vel (2) aliquid de postumis virorum eruditorum; aut accuratos indices etiam hujusmodi reliquiarum; vel (3) varias lectiones Codicum non antea collatorum, aut talium codicum notitiam. (4) In primis vero gratum facient, qui aliquod veteris Græciæ monumentum conferre velint. Quid autem spectem & velim, qui sic aliorum auxilia flagito, ne importunus videar, apertius declarandum. Quæro sane tantum meliora, at colligo omnia, quæ obvia sunt: ut, si non omnia publicem, at saltem ex pluri-

mis tandem deligere possim, quæ vel eruditorum virorum lectione digna sint. Nolim tamen in alienam messem falcem mittere; atque adeo ea tantum veteris Græciæ monumenta, eaque virorum postuma, colligere velim, ut edantur, quæ nemo alius jam in animo habeat edere. Quæcunque autem hujusmodi *κειμήλια* possideant viri docti, vel in Bibliothecis latere sciant, non vereor eos flagitare ut ne talium vel copiam vel notitiam aliis invideant.

VI. Dixi quid præstari cupiam. Atque adeo, quantum jam in adjuvandum hoc institutum præstiterit quorundam virorum doctæ humanitas, hoc loco si prætermitterem, & voluntati meæ & officio deessẽ. Igitur maximas habeo gratias viro optimo JOANNI LOVEDAY, qui jam dudum meos in usus humanissime concessit Hermogenis Progymnasmata inedita, cum variis lectionibus Codicum Reg. Parisiensium, simulque Wardii, Professoris Greshamensis, in Progymnasmata animadversionibus: Viro eruditissimo LARCHER, qui mecum benevole admodum com-

communicavit varias Lectiones & supplementa
 Dionysii Halic. libellorum de Thucydide & De-
 mosthene, ex MS^o Reg. Paris. a se excerpta:
 Viro summo, DAVIDI RUHNKENIO, qui
 sententiarum Philosophorum Codicis Vossiani;
 Philemonis Lexici Technologici, Cod. Reg.
 Parisiensis; Anonymi Prolegomenorum in Pla-
 tonis Philosophiam, Codicis Bavarici; [& Va-
 riarum Lectionum Aristotelis libri de Poëtica,
 Codicis Vossiani,] *απορραφα* sua mihi ad descri-
 bendum liberalissime permisit: denique viro do-
 ctissimo, eidemque cultissimo poëtæ, LAUREN-
 TIO SANTENIO, cujus humanitati cum alia
 debeo, tum vero ad hoc opus varias lectiones
 & supplementa Procli Commentarii in primum
 Euclidis Elementorum librum, Codicis Vossia-
 ni; Bonav. Vulcanii Emendationes & notata ad
 Demetrium Phalereum, [& Aristotelis librum
 de Poëtica;] Collationem Michaëlis Apostolii
 Proverbiorum, Codicis Rhedegeriani, confec-
 tam a M. Opitio; una cum Codice vetustissimo
 Homeri Iliadis libri primi.

VII. Jam sentio, mihi aliquid tandem dicendum esse de tempore, quo prodire forsan poterunt *Observationes Criticæ & Anecdota Græca*. Id vero non meum est certo statuere. Etenim tam multa jam *Anecdota Græca* etiam hoc sæculo, quod vivimus, sunt edita vel integra & separatim; vel editionibus integrorum operum adjecta, aut alienis operibus similis argumenti; vel in Corporibus *Anecdotorum Græcorum*, aut *Anecdotorum* utriusque linguæ; vel *Catalogis Bibliothecarum*; vel operibus *Miscellaneis*; vel denique *Commentariis virorum eruditum*, ut non semper, quid sit ineditum, quid non, statuere in promptu sit. Consilium igitur, quod agitabam, editionem *Criticarum Observationum & Anecdotorum Græcorum* incipiendi, cum primum paratas haberem *Observationes & Anecdota*, quæ duodecim fasciculis explendis sufficerent, mutavi. Enimvero parata habeo, quæ plus quam duodecim fasciculos æquent. Verum quo de Græcis monumentis, fragmentisque operum, quæ hoc *συλλογισμὸς* futurum sit

ut

ut edantur; melius statuatur, omnia omnino ad prelum parabo Anecdota, quæ spatio, quod mihi proposui, satisfaciant, prius quam aliquis unus fasciculus edatur.

VIII. Hæc sunt, quæ de hoc instituto in præsentia dicenda habui. Per occasionem autem cum harum literarum amantibus de operis progressionem agere pergam. Quod superest, lectorem velim certiorum facere, penes me esse viri eruditissimi, ornatissimi, optimi, cujus memoriam summo semper amore & honore prosequar, TYRWHITTI, Emendationes & Observationes in Aristotelis librum de Poëtica, easque me aliquando editurum esse, cum ea subsidia & aliunde & maxime e Codicibus MSSis comparavero, quæ novam illius libri editionem TYRWHITTO ejusque animadversionibus non indignam reddere posse videantur. Igitur ad hunc finem quicquid pertineat, quæro & colligo.

Septembris
d. 19. 1788.

THOMAS BURGESS, A. M.
*Collegii Corporis Christi Oxoniensis Socius; a domesticis sacris
Episcopo Sarisburiensi; & Ecclesie Sarisburiensis Præbendarius.*



